

ԳԱՐԵԳԻՆ Ա. ԿԱԹՈՂԻԿՈՍ ՀՈՎԱՆՓԱՆՑ

(Մեծանուն հայրենասեր հայագետի ճիշատակին.
Նրա մահվան 10-ամյակի առթիվ)



կներե է, թե որքան դժվար է ճշու-
շիկա-ի ձևով գրված երկտողում
խոսել եկեղեցական-հասարակա-
կան, դպրոցական-կրթական և
գրական-գիտական ասպարեզներում մեծ
անուն հանած այնպիսի անձնավորությամբ
մասին, ինչպիսին էր բոլորից հավասարա-
պես սիրված և հարգված Գարեգին Ա. Կաթո-
ղիկոս Հովանիանցը:

Ո՛վ չի հիշում եռանդով լի Գարեգին վար-
դապետին, իբրև տեսչի, վերատեսչի և դա-
սախոսի Գեորգյան ճեմարանի, խմբագրի և
աշխատակցի «Արարատ» ամսագրի, ղուգըն-
թաց և «Շողակաթ» ժողովածուի, վանահոր
Ա. Հռիփսիմբի վանքի և ղեկավարի բազմա-
թիվ հնագիտական-արվեստագիտական ար-
շավախմբերի թի ծաղաց մինչև ի ծագս» Հա-
յաստան աշխարհի և նույնիսկ Հայաստա-
նից դուրս շատ հեռուները, մինչև Երուսա-
ղեմ և այլուր:

Ահա այսպիսով էր ժամանակի պայման-
ներում համեստ վանականը՝ կապված հա-
յագիտական աշխարհի հետ:

Եվ միաժամանակ, տեղին էր մի տիպակ
խույզ ղժձոհություն, երբ «մտքից ըմբռնե-
ված», բայց «աչքից հեռացած» նույն հա-
մեստ գործչին զիջակվեց Իր կյանքի վերջին
երկու տասնամյակներում պաշտոնավարել
Իր ջերմ սիրած Հայրենիքից դուրս, այսինքն
լհաշված Նոր-Նախիջևանում առաջնորդու-
թյան տարիները (1927—1933), իբրև հայ-
րապետական նվիրակ Սփյուռքում (1933—
1938), առաջնորդ Հյուսիսային Ամերիկայի
հայոց Արևելյան թեմի (1938—1944) և,
վերջապես, Կաթողիկոս Մեծի Տանն Կիլի-
կիո (1945—1952):

Սակայն երբ հայացք եք ձգում Գարեգին
Ա. Վեհի տպագրի աշխատությունների ցան-
կի թե ցուցակի վրա, ձեզ ապշեցնում է
նրանց լայն դիպագոհնը Պատկերացրե՛ք
հայագիտական մի քանի տասնյակ հոյա-
կապ և փոքր գործեր, որոնք Նյու-Յորքի,
Փարիզի, Երուսաղեմի, Հայնպի, Անթիլիասի,
Բեյրութի և այլ վայրերի կնիքներն են կրում.
Եվ ղեռն որքան անտիպ գրքեր, հոդվածներ
և, որ գլխավորն է, մանրանկարչական, լու-
սանկարչական և լսիկագրական նյութեր,
հարստություններ...



Իմ ծանոթությունը Գարեգին վարդապետի
հետ, ի թե կարելի է այսպես ասել՝ ճշոհա-
կայորեն», սկիզբ է առնում 1911 թվականի
ղեկտեմբերից, երբ ես, իբրև Օգեսայի հա-
մալսարանի Գ. կուրսի ուսանող, ժամկետից
երկու տարի առաջ մշակեցի ավարտական
շարադրությունս իրավաբանական ֆակուլ-
տետի գծով (քանի որ ղուգընթացաբար ուն-
կընդրում էի և պատմա-բանասիրական ֆա-
կուլտետի դասախոսություններին), նույնիսկ
ներկայացրի այն տպագրի ձևով Աշխատու-
թյանս նյութն էր «Հայոց Մարագույն Պատ-
րիարքի իրավաբանական կացությունը. հա-
մառոտ դժգոհություն և սեռություն» (ռուսերեն,
Օգեսա, 1911, 38 էջ):

Քանի որ այդ աշխատությունը գրելիս ես
բավականաչափ օգտագործել էի Մաղաթիա
արքեպիսկոպոս Օրմաշյանի (Նախկին
պատրիարքի) և Գարեգին վարդապետ Հով-
անիանցի համապատասխան գործերը, որ
հիշատակել էի գրքիս վերջաբանում (էջ 38),
պարտք համարեցի մի-մի օրինակ գրքիցս
ուղարկել հիշյալ հեղինակներին պատշաճ

մակագրությանը: Շուտով երկուսից էլ ստացա համաձայնության նշան կրող պատասխաններով: Մասնավորապես, Գարեգին վարդապետը նշում էր մի-երկու շնչին թերություն գրքույկիս մեջ, փափագ հայտնելով անձամբ տեսնել ինձ էջմիածնում:

Գարեգին վարդապետը, ըստ երևույթին, հեթադրել էր, որ ես էջմիածնում եղած չեմ: Թիֆլիսում աշակերտական տարիներին (1899—1908) ես այցելած էի Անդրկովկասի (1899—1908) ես այցելած էի Անդրկովկասի տեսարժան վայրերը և, ի միջի այլոց, էջմիածին—Երևանը, Ղարսն ու Զորագետը 1903 թվականին, ապա Անին և կրկին Ղարսը՝ 1907 թվականին:



Հենց նույն աշակերտական տարիներին ես քանիցս տեսել էի Գարեգին վարդապետին Թիֆլիսում:

Այսպես, 1901 թվականի սեպտեմբերին Թիֆլիսում մեծ հանդիսավորությամբ տոնվեց Վրաստանի՝ Ռուսաստանին միանալու 100-ամյակը, որի կապակցությամբ Թիֆլիսում կազմակերպվել էր այսպես կոչված «Կովկասյան հոբելյանական ցուցահանդեսը»: Հանդիսությանը ներկա գտնվելու համար Թիֆլիս էր ժամանել Ամենայն Հայոց Մկրտիչ Ա Կաթողիկոսը, որը բարեհաճեց դիտել, ի միջի այլոց, և հիշյալ ցուցահանդեսը: Եվ ահա մի գեղեցիկ օր, երբ մեր ընտանիքը պատում էր ցուցահանդեսի վայրում, որը գտնվում էր այժմյան «Դինամո» կոչված ստադիոնի տեղում (Դինդուբե թաղամասի սկզբում), ընկալի իրարանցում... Պատճառը՝ հրեմյան Հայրիկի ներկայությունը ցուցահանդեսում՝ շրջապատված բազմանդամ շքախմբով, որը բաղկացած էր Սահակ Եպիսկոպոս Ալվատյանից և չորս վարդապետներից, որոնցից մեկն էր Գարեգին վարդապետը՝ Հովսեփյանցը:

Ի գեպ, Նշենք, որ Գարեգին վարդապետի ներկայությունը Թիֆլիսում պայմանավորված էր նրանով, որ նա այն ժամանակ Վրաստանի և Իմերեթի, այսինքն Թիֆլիսի թեմի առաջնորդական ժամանակավոր փոխանորդն էր:

1902 թվականին Գարեգին վարդապետը մասնակցեց Թիֆլիսի Վանքի Մայր Եկեղեցու օծման արարողությանը (երկարատև վերանորոգումից հետո), որը կատարեց թեմական Գեորգ արքեպիսկոպոս Սուրենյանը: Գարեգին վարդապետը հանգես եկավ հուզիչ ատենաբանությամբ, նվիրված էջմիածնի դերին հայոց պատմության մեջ: Սակայն աչքի էր ընկնում մի արտասովոր հանգամանք, այն է, որ նա խոսում էր առջևից ունենալով գրական, 16-ի ոգևորությամբ ու շարժունակ-

րով, երբեմն ֆարաշայի երկար ու լայն թևերը ծալելով, կարծես թե պրոֆեսորն էր դասախոսում համալսարանի ամբիոնից:

Թիֆլիսում միջնակարգ դպրոցը ավարտելուց հետո ինձ վիճակվեց ճանապարհորդել արտասահման, հատկապես Գերմանիա, և մնալ մի առժամանակ Լայպցիգ և Հալլե քաղաքներում: Ի միջի այլոց, եղա և այն ընտանիքում, որտեղ ապրել էր Գարեգին սարկավագ Հովսեփյանցը, Լայպցիգի համալսարանի ուսանողը: Սակայն որքան մեծ էր իմ ուրախությունը, երբ ինձ հաջողվեց հավաքել Լայպցիգում տպված հայ երիտասարդների գրեթե բոլոր ղեկավարական դիսերտացիաները՝ Արշակ Տեր-Միքայելյանի (1892), Կարապետ Տեր-Մկրտչյանի (1893), Հակոբ Մանանդյանի (1897), Գարեգին Հովսեփյանցի (1897), Մանուկ Աբեղյանի (1899) և, վերջապես, Նրվանդ Տեր-Մինասյանի (1904), որոնցից Գարեգին սարկավագինը նվիրված էր «միակամայց» խնդրին՝ «Die Erstehungsgeschichte des Monothellismus nach ihren Quellengeprüft und dargestellt», vom Dr. G. Owseplan, Archidiaconus in Etschmiadzin. Leipzig. Druck und Verlag von Breitkopf und Härtel, 1897, 56 էջ:

Սրանով մի տեսակ հիմք դրվեց իմ հայագիտական գրադարանին, որով ես առիթ ունեի պարծենալու:

Առանձին գրքույկներով հրատարակված ուսերեն աշխատություններն սկսած 1911 թվականից սխտեմատիկ կերպով արձագանքում էր «Արարատ» ամսագիրը, երբեմն նույնիսկ զետեղելով իր էջերում իմ գրվածքների ամբողջական թարգմանությունները ուսերենից:

1913 թվականի աշնանը պիտի տեղի ունենար իմ և Գարեգին վարդապետի հանդիպումը էջմիածնում, հայ գրերի գյուտի 1500 և հայ տպագրության 400-ամյակի հոբելյանական օրերին, սակայն հիվանդության պատճառով ի վիճակի չեղա արձագանքել հրավերին և մեկնել էջմիածին:

Մյուս կողմից, հաջորդ 1914 թվականի մայիսին, երբ ես աշխատում էի էջմիածնի ձեռագրատանը, Գարեգին վարդապետը բացակա էր Մայր Աթոռից, անցած լինելով արտասահման, ուր Լայպցիգում գրաված էր իր աշխատությունների կիշենների կարգավորման գործով. սակայն ապարդյուն, քանի որ շուտով վրա հասավ համաշխարհային պատերազմը և նա ստիպված եղավ վերադառնալ այնտեղից ձեռնունով:

Եվ միմիայն 1915 թվականին էր, որ տեղի ունեցավ մեր, այսինքն Գարեգին վարդապետի և իմ, առերես հանդիպումը Թիֆլի-

սում, «Հովիտ» շաբաթաթերթի խմբագրատանը, որից հետո մեր քարեկամական կապը անխախտ մնաց մինչև վերջը, էջմիածնում եղած դեպքում ես պարտք էի համարում այցելել Գարեգին վարդապետին, հետագայում եպիսկոպոսին և արքեպիսկոպոսին, իսկ նա ևս, թիֆլիսում, եղած պահին կամ թիֆլիսով անցնելու դեպքում, զախս էր իմ տեսությունը։ Մեր մեջ տեղի ունեցնում էր նամակագրություն հայագիտական այլևայլ խնդիրների շուրջը, նաև տպագիր աշխատությունների փոխանակում։

Կարևոր եմ համարում նշել, որ ինձ վիճակվեց աշխատակցել հենց նույն պարբերականներում, ուր ինձանից առաջ հյուրընկալվել էր Գարեգին վարդապետը Այդախիւր էին. ա. «Քրիստոնեական Արեւելք» ռուսերեն ժուռնալը, որ լույս էր տեսնում Պետերբուրգ-Պետրոգրադում ակադեմիկոս Ն. Մառի խմբագրությամբ տարին 3 անգամ։ Այստեղ հայերից աշխատակցում էին Ն. Աղոնցը, Հ. Օրբելին, Ալիս. Քալանթարը, ես (1913—1922), նաև էջմիածնի միաբանության անդամներից Կարապետ եպիսկոպոս Տեր-Մկրտչյանը, Գարեգին Հովսեփյանց և Տիրայր Տեր-Հովհաննիսյան վարդապետներն ու Միքայիլ Գալուստ Տեր-Մկրտչյանը, ք. «Արարատ»-ը, որին մենք աշխատակցեցինք 1918 թվականին. դ. «Ազգագրական հանդես»-ը, ազգագրագետ-հնագետ Ծ. Լալայանի խմբագրությամբ, ուր Գարեգին վարդապետը զետեղել էր հոգվածներ կաթողիկոսական ընտրության, օծման և թաղման ազգագրական տեսակետից նկարագիրը տալով, իսկ մենք մեր գրախոսականներով 1914—1917 թվականներին. դ. «Հովիտ» շաբաթաթերթը նզնիկ ալիազ քահանա Երզնկյանի խմբագրությամբ, նույն թվականներին. Ե. «Գեղարվեստ» ամսանախը, Գարեգին Լևոնյանի խմբագրությամբ, ուր Գարեգին վարդապետը զետեղում էր իր արվեստագիտական հոգվածները, իսկ մենք հանդես եկանք մի հոգվածով վերջին (7-րդ) հատորում։

Զի կարելի չնշել նաև, որ Սովետական Հայաստանի անդրանիկ գիտական հաստատությունների հիմնադրի Գիտական ինստիտուտի «Թատրեր»-ի Ա և Բ միջոցալ գրքում,

որ լույս տեսավ Ծ. Տեր-Մինասյանի խմբագրությամբ 1922 թվականին, տեղ են գտել Գարեգին եպիսկոպոսի մի ընդարձակ հոգվածը և երկու ընդարձակ գրախոսականներ, նվազագույն կից զետեղված է և մեր մի հոգվածը։

Ժամանակին Գարեգին սրբազանը օժանդակեց մեր երկու մենագրության մշակման և ձևավորման գործին, որպիսիք են. ա. «Վարդապետը հայոց հիստորիային կողմանց» (1928) և բ. «Մայաթ-Նովա» (1930), երկուսն էլ վրացերեն, տպված թիֆլիսում, ուր Գարեգին սրբազանի անունը հիշված է ըստ արժանվույն։

Վերջին անգամ մենք Գարեգին սրբազանի հյուրն եղանք 1927 թվականին էջմիածնում, ուր նրա շուրջն էին համախմբված Գևորգ արքեպիսկոպոս Զորեքյանը (հետագայում Գևորգ Զ կաթողիկոս), որը տպագրության էր պատրաստում իր «Քարոզգիրք»-ը, Արտակ եպիսկոպոս Մմբատյանը, որը պատրաստել էր տպագրության էջմիածնի միաբանության անդամների գրական-գիտական գործունեության և էջմիածնի տպարանի արտագրության տեսությունը, Գյուտ եպիսկոպոս Տեր-Ղազարյանը, որը «Դիվան հայոց պատմության» շարքի շարունակություն էր մշակում և կազմում, նաև Վիեննայի Մխիթարյան Հ. Ներսես վարդապետ Ավինյանը, որը ցուցակագրում էր էջմիածնի մատենադարանի ձեռագրերը (հայտնագործելով Զենոնի «Յադագս բնութան» երկը)։

Վերջին հանդիպումը Գարեգին սրբազանի հետ ունեցա 1933 թվականին էջմիածնում, երբ նա պատրաստվում էր արտասահման մեկնելու իբրև հայրապետական նվիրակ (պատվիրակ)։

Առիթ չունեցա, ցավոք սրտի, նրան տեսնելու 1945 թվականին, երբ նա եկել էր Հայաստան կաթողիկոսական ընտրության և ապա աշխատում էր Երևանի Մատենադարանում։

Սակայն ուշի-ուշով ես հետևում էի նրա մնայուն գործերին, որ լույս էին տեսնում նրա շտեմարան աշխատանքների, աշխատունակության և խոր հմտության նոր և նոր րացահայտմամբ։

